

Номоддий маданий мерос ва барқарор ривожланиш



Номоддий маданий мерос



United Nations
Educational, Scientific and
Cultural Organization

ichcap

International Information and Networking Centre
for Intangible Cultural Heritage in the Asia-Pacific Region
under the auspices of UNESCO



United Nations
Educational, Scientific and
Cultural Organization



National Commission of Uzbekistan
for UNESCO



Номоддий ва барқарор

Номоддий маданий меросни муҳофаза қилиш бўйича Конвенцияси
“номоддий маданий мероснинг маданий турли-туманлик негизи
ва барқарор тараққиёт кафолати” сифатида тан олади.

2030 йилгача мўлжалланган барқарор ривожланишнинг кун тартиби амалга оширилиши керак бўлган чора-тадбирларнинг режаси бўлиб, у 17 та барқарор тараққиёт мақсадлари асосида иқтисодий, ижтимоий ва экологик йўналишлардаги масалаларга ечим топишга қаратилган. Бу мақсадлар ўзаро чамбарчас боғлиқ бўлиб, ривожланиш йўллари ҳақида маълумот беради ва учта фундаментал тамойилга, яъни инсон хуқуqlари, тенглик ва барқарорликка асосланади. Номоддий маданий мерос нафақат ушбу уч йўналиш доирасида барқарор ривожланишга самарали кўмак бериши, балки барқарор ривожланишнинг заминида ётувчи тинчлик ва хавфсизликни таъминланишига ҳам ёрдам бериши мумкин.

Номоддий маданий мероснинг барқарор ривожланишга қўшган ҳиссаси тан олиниши ва тўлиқ рўёбга чикиши учун унинг барқарор ривожланишда тутган ўрнини қандай қилиб тушуниш лозим?



© Vice Ministerio de Cultura



© Vice Ministerio de Cultura

маданий мерос ривожланиш

Translator: **Akbar Sultanov**

Proofreader: **Sayidafzal Mallakhanov**

Барқарор ривожланишнинг иктисодий, ижтимоий ва экологик йўналишлари ҳамда тинчлик ва хавфсизлик масалалари бўйича чора-тадбирлари алоҳида эмас, балки бир бирни билан чамбарчас боғлиқдир. Барча йўналишлар ўртасида ўзаро ижобий алоқа борлигини хисобга олган ҳолда, бу каби умумий мақсадларга эришиш сиёсатга нисбатан яхлит ёндашувни талаб қилади. Шу ўринда номоддий маданий мерос юкорида айтиб ўтилган уч йўналиш доирасида барқарор ривожланишга самарали кўмак бериши мумкин. Шундай экан, биз барчага хохлаётган келажакка эришишда номоддий маданий меросни ҳимоя килиш муҳим вазифа хисобланади.

Барчани қамраб олувчи ижтимоий ривожланиш

Барқарор озиқ-овқат хавфсизлиги, сифатли тиббий хизмат, хавфсиз ичимлик суви ҳамда санитария таъминоти, барча учун сифатли таълим, барчани қамраб олувчи ижтимоий муҳофаза тизими ва гендер тенглиги мавжуд бўлмаса барчани қамраб олувчи ижтимоий ривожланишга эришиб бўлмайди. Ушбу мақсадлар негизида кенг иштирокка асосланган бошқарув ҳамда ўзининг қадрият тизимини танлаш эркинлиги бўлиши лозим.

Жамиятлар турли вақтда ва турли муҳитда юзага келадиган эҳтиёжларини кондириши ҳамда ижтимоий масалаларга жавоб топиш учун ўзларининг номоддий маданий меросини, хусусан табиатга оид билимларини, урф-одатларни ва ижтимоий анъаналарини яратган ва мослаштириб борган. Анъанавий даволаш амалиётлари, таомни тайёрлаш ва тановул қилиш билан боғлик урф-одатлар, сув ресурсларини бокариш билан боғлик анъаналар, жамоат тадбирлари ва байрамлар, билимларни келажак авлодларга етказиб бериш тизимлари - буларнинг ҳаммаси барчани қамраб олувчи ижтимоий ривожланишга эришишда муҳим роль ўнайди.

Номоддий маданий мерос озиқ-овқат хавфсизлигини таъминлашда жуда ҳам муҳим хисобланади. Таомни тайёрлаш ва тановул қилиш билан боғлик урф-одатлар, кишлоқ хўжалигини юритиш, чорвачилик, балиқчилик, овчилик, озиқ-овқатни тўплаш ва сақлашнинг маҳаллий тизимлари озиқ-овқат хавфсизлигига эришишда катта кўмак

бериши мумкин. Ҳамжамиятлар ўзларининг қишлоқ ҳаёти ва атроф муҳитига нисбатан муфассал ёндашувчи анъанавий билимларнинг катта ҳажмини тўплаган. Уларнинг усуслари ўзларининг ерлари ва табиий муҳитлари ҳақидаги батафсил маълумотларга таянади, турли хил қишлоқ хўжалиги экинларини, ўсимлик ва ҳайвонларини кўллашга асосланади ҳамда нам, арктик, субтропик ва ёғингарчилиги кам бўладиган минтақаларга мослаштирилган. Ҳамжамиятлар бу минтақаларга ҳамда атроф-муҳитдаги ўзгаришларга мос келадиган таомни тайёрлаш ва тановул қилиш билан боғлик турли хил урф-одатларни, озиқ-овқатни тайёрлаш ва сақлаш тизимларини яратишган. Ҳозирги кунда дунё бўйлаб кўпчилик оиласлар ернинг ҳосилдорлигини оширишга кўмак берадиган, озиқ-овқатни танлашда турфаҳилликни таклиф қиласдан, тўлақонли озиқланиши таъминлайдиган ҳамда соғлом турмуш тарзини олиб боришига ёрдам берадиган қишлоқ хўжалиги тизимларига боғлик. Бу каби тизимларни тўхтovсиз мустаҳкамлаб бориши ҳамда уларнинг сақланиб қолинишини таъминлаш дунёдаги кўпчилик ҳамжамиятлар учун озиқ-овқат хавфсизлигига эришишда, сифатли овқатланишини ташкил қилишда ҳал қилувчи аҳамият касб этади.

Анъанавий даволаш амалиётлари фаровонликка эришишда ҳамда барча учун сифатли тиббий хизматларни таъминлашда кўмак бериши мумкин. Дунёнинг кўпчилик ҳамжамиятлари даволашга оид турфаҳил билим ва амалиётларни яратгандар. Булар самарали ва арzon даволаш усусларини таклиф қиласди ва кўпинча маҳаллий табиий ресурсларни кўллашга асосланади. Мисол учун табиблар қадим замондан биринчи тиббий ёрдам кўрсатадиган жуда ҳам муҳим инсонлар бўлишган. Уларнинг доривор ўсимликларни кўллаш билан боғлик анъанавий билим ва усуслари беморларни даволаш жараёнида олиб борилган кузатувларига асосланади. Яна бир мисол сифатида Танзаниянинг Танга туманидаги табибларни, хусусан доялар ва руҳшуносларни кўрсатиши мумкин. Улар ҳам жисмоний ва психологик хастиликларни даволашда ўзларининг маҳсус билимларни кўллашади. Умуман олганда, бошқа тиббий хизматлардан фойдалана олиш имконияти бўлмаган жойларда (шу жумладан, чекка кишлоқларда) бу каби даволаш амалиётлари арzon ҳамда барча учун кулагай бўлиши мумкин.



Таом байрам тадбирларининг ва танланаларининг марказий унсури ҳисобланиб, шахсларда ўзига ҳослик ва у ёки бу ҳамжамиятга мансублик ҳиссини шаклантиришида ёрдам беради.



© UNESCO / Isaack Omoro 2011



© UNESCO / Isaack Omoro 2011

Дунё бўйлаб кўпчилик оиласлар ернинг ҳосилдорлигини оширишига кўмак берадиган, озиқ-овқатни танлашда турфахилликни тақлиф қиласидиган, тўлақонли озиқланишини таъминлайдиган ҳамда соглом турмуши тарзини олиб боришига ёрдам берадиган қишлоқ хўжалиги тизимларига боғлиқ.

Шунинг учун бу каби даволаш амалиётларини тан олиш, уларга хурмат билан қараш, янада ривожлантириш ҳамда келажак авлодларга етказиб бериш жуда муҳим ҳисобланади. Бундай чоралар айниқса анъанавий даволаш амалиёти ҳамжамият учун энг қулай тиббий хизмат тури сифатида қаралган жойларда амалга оширилиши лозим. Бошқа тиббий хизмат турлари мавжуд бўлган жойларда эса, ижтимоий-маданий хаётда чукур илдиз отган бундай анъанавий билимлар ва амалиётлар инсонларнинг тиббий хизмат турини танлаш имкониятларини анча кенгайтириши мумкин.

Сув ресурсларини бошқаришга оид анъанавий урф-одат ва амалиётлар тоза ичимлик сувини адолатли таъминотига ҳамда сув ресурсларидан барқарор фойдаланишига кўмак бериши мумкин, шу жумладан қишлоқ хўжалиги соҳасида ва турмушнинг бошқа жабхаларида. Асрлар давомида маҳаллий ҳамжамиятлар чукур илдиз отган анъаналарга амал қилган ҳолда сув ресурсларини барқарор бошқариш ҳамда барчани тоза сув ичимлиги билан таъминлаш бўйича кўнкималарни шакллантириб келди. Мисол учун, Сан Кристобаль де лас Касас шаҳарчасидаги (Чьяпас штати, Мексика) сув ресурсларини бошқариш тизимлари Майя халқларининг муқаддас қарашларига ва анъаналарига асосланади. Уларнинг фикрига кўра, инсонлар сув айланishi жараёнининг ажралмас қисми ҳисобланади, чунки инсонлар ўзларининг танасида бўлган суви орқали унинг тўхтовсиз янгиланишида кўмак беради. Шунинг учун сув қандайдир маҳсулот сифатида эмас, балки умумий ресурс сифатида қаралади ва сув таъминотини бошқариш бутун бир ҳамжамиятнинг вазифаси ҳисобланади. Кўпчилик ҳамжамиятлар учун бу каби тизимлар тоза ичимлик суви олишнинг ягона имкониятидир. Шу сабабли ҳам бундай тизимларни келажак авлодларга етказиб беришни давом эттириш муҳим. Бошқа жойларда ҳам анъанавий сув ресурсларини бошқариш тизимлари муҳим ҳисобланади, чунки улар ҳамжамиятларнинг ташки сув таъминловчиларига бўлган боғликлигини камайтиради. Турфахил сув ресурсларини бошқариш тизимларини ҳамда уларга оид қадриятларини тан олиш ва хурмат қилиш, уларни кенгайтириш ва тўхтовсиз келажак авлодга бериб бориш - буларнинг барчаси сув масаласига оид муаммоларга барқарор ечим ишлаб чиқишида муҳимдир.

Номоддий маданий мерос таълим мазмунидаги ҳамда таълим усуllibарига оид жонли мисоллар тақлиф қила олади. Ҳамжамиятлар ўзларининг табиий ва ижтимоий муҳитларига оид билимларини, ҳаётий кўнкималарини ва малакаларини тартибга солиши ва келажак авлодга етказиб бериш учун доимо сичим топиб келгандар. Ҳозирги кунда расмий таълим тизимлари мавжуд бўлган жойларда ҳам бу каби билимлар фаол ишлатиб келинади, билим ва кўнкималарни бериб боришнинг анъанавий усуllibари кўлланилади. Бу билимлар турли соҳаларни ва масалаларни ўзида мужассам этади: космологиядан ва физикадан тортиб соғлиқни сақлаш ва табиий ресурслардан барқарор фойдаланишгача; инсоннинг ҳаёт давридан тортиб можароларни ва низоларни ҳал қилиш масалаларигача; ўзликни англаш ва шахснинг жамиятдаги ўрнидан тортиб коллектив хотира шаклланиши масаласигача; архитектурадан материалшунослик соҳасигача. Шунинг учун барча учун сифатли таълимни жорий қилишда бу каби бой билимлар манбасидан ёш авлодлар тўлақонли фойдалана олишлари учун имконият таъминланиши керак. Шунинг учун таълимни жорий қилишда номоддий маданий мероснинг бой манба эканлигини тан олиш ва унинг таълимга оид имкониятлари мослаштириш лозим. Бунинг учун эса номоддий маданий меросга оид билимларни тегишли соҳадаги таълим дастурларига интеграция қилиш ҳамда номоддий маданий меросни етказиб беришнинг анъанавий усуllibари ва шакллари имкониятларини таълим тизимлари доирасида кенг кўллаш керак.

Номоддий маданий мерос жамият ичидаги бирдамликни ва интеграцияни мустаҳкамлашга кўмак бериши мумкин. Урф-одатлар, маросимлар ва байрамлар ҳамжамиятлар ва гурухларнинг ҳаётини ташкиллаштиришда ва тартибга солища ёрдам беради. Улар барчани камраб олган ҳолда, инсонларнинг ижтимоий турмушини мустаҳкамлашда асосий роль йўнаши мумкин. Масалан, Фрево (Бразилиядаги мусиқа, рақс ва турли хунарларни ўз ичига оладиган бадиий ифода тури) жамиятнинг барча қатламлари вакилларини карнавал доирасида бирлаштиради. Фрево Ресифи шаҳри ахолисининг умумий мероси хисобланади. У шаҳар ахолисида (жинсидан, ирқидан, ижтимоий келиб чиқишидан қатъий назар) ўзига ҳослик ва ўтмиш билан боғлиқлик хиссини шакллантиради, мавжуд қадриятларни мустаҳкамлади. Турли катлам вакиллари Фрево мусиқаси садолари остида биргаликда рақсга тушади. Кўпчилик урф-одатлар (кичик учрашувлардан тортиб кенг кўламли байрам тадбириларигача) инсонларда мансублик хиссини шакллантириш орқали ҳамжамият ичидаги ришталарни ва бирдамликни мустаҳкамлашга кўмак беради.

Номоддий маданий мерос гендер роллари ва гендер ўзлигини шаклланишида муҳим роль ўйнайди. Шундай экан, у гендер тенглигини таъминлашда ҳал қиувлари аҳамиятга эга. Айнан номоддий маданий мерос орқали ҳамжамиятлар гендерга оид ўзларининг кадрияларини, нормаларини ва қарашларини бериб боради. У туфайли ҳамжамият аъзоларида гендер ўзлиги шаклланади. Бундан ташқари, ҳамжамият аъзоларининг мероснинг айrim кўринишларида иштирокини ҳам гендер нормалари белгилаб беради. Мисол учун анъанавий хунармандчиликда гендер ролларига асосланган муайян меҳнат тақсимоти кузатилса, ижрочилик санъати турларида гендерга оид қарашлар ва роллар очиқ ифодаланиши мумкин. Номоддий маданий мерос атроф-мухитда рўй бераётган ўзгаришларга тўхтовсиз мослашиб боргани сари, гендер ролларида ҳам ўзгаришлар юз беради. Ҳамжамиятларда гендер муносабатлари юзасидан доимо музокарапар олиб борилади. Бунинг натижасида номоддий маданий мерос билан шугулланиш орқали гендер камитилишига барҳам бериш учун ҳамда гендер тенглигига эришиш учун кенг имкониятлар яратилади.



Ҳамжамиятлар ўзларининг табиий ва иёстимоий муҳитларига оид билимларини, ҳаётий кўникмаларини ва малакаларини тартибга солиши ва келаҗасак авлодга етказиб берииш учун доимо ечим топиб келганлар.

Номоддий маданий мерос гендер роллари ҳақида ягона карашга эга бўлмаган кўпмиллатли ҳамжамиятларда ўзаро ишончни ва бағрикенгликни мустахкамлаши мумкин. Бундан ташқари у гендер тенглигига эришишнинг энг мақбул йўли юзасидан олиб борилувчи мулоқотлар учун ўзига хос замин яратиши мумкин.

Атроф-мухитнинг барқарорлиги

Атроф-мухитнинг барқарорлиги турғун иклимини, табиий ресурсларнинг барқарор бошқарувини ҳамда биотурфаҳилликни талаб килади. Булар ўз навбатида иклим ўзгариши, ҳавфли табиий ҳодисалар, космик мухит ва табиий ресурсларга оид чекловлар ҳақида чукур илмий тушунча хосил қилишга, билимлар алмашинувини ташкил қилишга боғлиқ. Иклим ўзгариши натижасида ҳамда табиий оғатлар сабабли юзага келадиган салбий оқибатларнинг кўламини чеклашда ёрдамга мухтож ахоли катламларини барқарорлигини мустахкамлаш ўта мухим хисобланади.

Авлоддан-авлодга тўпланиб, бойитиб борилган ҳамда номоддий маданий мероснинг ажралмас кисми бўлган анъанавий билимлар, қадриятлар ва урф-одатлар қадим замондан жамиятларнинг атроф-мухити билан ўзаро алоказида ҳамроҳ бўлиб келган. Ҳозирги кунда номоддий маданий мероснинг атроф-мухит барқарорлигига кўшаётган хиссаси кўпчилик соҳаларда тан олинади. Буларга биотурфаҳилликни саклаш, табиий ресурсларни барқарор бошқариш ва табиий оғатларга тайёргарлик ва уларнинг оқибатларини бартараф қилиш соҳалари киради.

Тирик мерос сифатида атроф-мухитга оид билимлар, қадриятлар ва анъаналар шаклланиши ва табиий ресурслардан барқарорроқ фойдаланишига мослаштирилиши мумкин. Бунинг натижасида эса ҳамжамиятларда иклимининг ўзгариши билан боғлиқ муаммоларга (ёки табиий оғатларга) яхшироқ бардош бера олиш имконияти туғилади.



© 2010 by Acervo PCR



© 2010 by Acervo PCR



© 2006 by Acervo PCR

Урф-одатлар, маросимлар ва байрамлар ҳамжамиятлар ва гуруҳларнинг ҳаётини ташкиллаштиришида ва тартибида солишида ёрдам беради. Улар барчани қамраб олган ҳолда, инсонларни ижтимоий турмушини мустахкамлашида асосий роль ўйнаши мумкин.

Номоддий маданий мерос биотурфахилликни химоя қилишга ёрдам берини мүмкін. Маҳаллий ҳамжамиятлар биотурфахилликни сақлашда мухим ўрин эгалайдилар. Масалан Кениядаги Кикуюй аёллари қишлоқ ҳужалиги экинларини ўстиришда ва ўсимликлар уругларини сақлашда мухим ўрин тутадилар. Анъанага кўра, аёллар ловиянинг бир неча навини бир экин майдонида ўстирадилар ва касаллик тарқалиши ёки иклим ўзгариши эҳтимолини ҳисобга олиб уруғларнинг катта заҳираларини сақлаб кўядилар. Бугунги кунда ушбу заҳиралар маҳаллий ахолининг уруғ материаллари тўғрисида қимматли билимларини ўз ичига олган жуда қадрли ҳазина ҳисобланади. Бу эса қишлоқ ҳужалиги ресурслари камайиб кетаётган бир пайтда жуда катта аҳамиятга эга. Бундан кўриниб турибидики, бошқа маҳаллий билим соҳиблари каби фермерлар, чорвадорлар, балиқчилар ва халқ табиблари биотурфахилликни сақловчилари бўлиши мүмкін.

Номоддий маданий мерос атроф-муҳитнинг барқарорлигини сақлаб қолишида ёрдам берини мүмкін. Дунё миқёсида инсон фаолияти натижасида табиий ресурсларнинг борган сари нобарқарор истеъмоли содир бўлаётган бир маҳалда, кўпгина маҳаллий ҳамжамиятлар табиат билан чамбарчас боғлиқ бўлган ва атроф-муҳитга эҳтиёткорона муносабатда

бўлишга ёрдам берадиган турмуш тарзини йўлга қўйдилар ва номоддий маданий мерос анъаналарини яратдилар. Масалан, Самоадаги юпқа тўқилган гиламчалар маданий тадбирлар ўтказаётганда ўзига хос валюта сифатида кўлланилади; ёки маросимлар пайтида ишлатилади. Вакт ўтиши билан атроф-муҳит билан боғлиқ билимлар (шу жумладан тўқимачиликда асосий ҳом-ашё сифатида кўлланилиб келадиган пандана дараҳтининг турли навларини ўстиришга оид билимлар) тўқимачиликнинг ажралмас қисми сифатида кўриладиган бўлди. Бу каби билимлар Самоа ахолисига атроф-муҳитни сақлаб қолишида ёрдам беради, чунки Самоаликлар ўзларининг фаровонлиги табиат ва атроф-муҳитга жуда ҳам боғлиқ эканлигини тушунадилар. Шуниси эътиборга лойиқки, ўсимликлардан тўқиб тайёрланган бундай маҳсулотлар табиий йўл билан парчаланади ва йўқ бўлиб кетади. Шунингдек бундай маҳсулотларнинг ҳаёт давомийлиги сезиларли даражада қискарек бўлиб, у экиш, ҳосилни териб олиш, маҳсулотни яратиш, ундан фойдаланиш ва уни осонликча йўқ қилишдан иборат. Бу эса бутун дунё бўйлаб оммавий кўлланиладиган ва йўқ қилиниши қийин бўлган пластмасса ва бошқа экологик жиҳатдан зарарли ҳисобланган маҳсулотлардан анча фарқ қилади.

*Йиллар давомида
тўпланган билим ва
анъаналар табиий
ресурслардан барқарор
фойдаланиши ва иқлим
ўзгариши оқибатларини
камайтириши учун
кўлланилган. Шундай
екан, номоддий маданий
мерос биотурфахилликни
химоя қилишида ва атроф-
муҳитни барқарорлигини
сақлашида ёрдам берини
мүмкін.*



© Steven Percival



© Steven Percival



© Dirk Van Hove, Gemeente Koksijde Paardenvisser, 02.2007



Күпгина маҳаллий ҳамжамиятлар табиат билан чамбарчас боғлиқ бўлган ва атроф-муҳитга эҳтиёткорона муносабатда бўлишига ёрдам берадиган турмуши тарзини йўлга қўйдилар ва номоддий маданий мерос анъаналарини яратдилар.

Табиат билан боғлиқ маҳаллий билим ва урф-одатлар атроф-муҳит барқарорлигини таъминлаш соҳасида олиб бориладиган тадқиқотларга кўмак бериши мумкин. Масалан, балиқчилик билим боғлиқ анъанавий билим ва кўнникмаларни сақлаб қолган балиқчилар денгиздаги биотурфаҳилликка оид муаммоларни ҳал қилишига ёрдам берадиган бой маълумотга эга. Улар балиқларнинг табиати, феъл-автори, миграцияси, яшаш жойи ҳамда турли фаслларга мослашган ва балиқчиликда қўлланиладиган услублар тўғрисида батафсил билимларга эга. Амалий аҳамиятга эга бўлган бу каби билимлар денгиздаги биотурфаҳилликни тикиш ва сақлаб қолиш борасида олиб бориладиган илмий изланишларга кўмак бериши мумкин. Умуман олганда, ҳамжамиятлар ва тадқиқотчилар ўргасидаги ҳалқаро ҳамкорлик, шунингдек, улар ўргасидаги ўзаро илғор тажрибалар алмашинуви турли соҳаларда атроф-муҳит барқарорлигига эришишда ёрдам бериши мумкин, шу жумладан, ўрмонларни сақлаш ва муҳофаза қилиш соҳасида ёки қишлоқ хўжалигига биотурфаҳилликни сақлаш ва табиат ресурсларини бошқариш соҳаларида.

Маҳаллий миқёсда қийинчиликларни енгиш бўйича стратегияларнинг ва билимларнинг мавжудлиги табиий оғат ва иқлим ўзгаришини олдини олишда муҳим ҳисобланади. Қалтис ва оғир шароитларда ҳайёт кечирувчи маҳаллий ҳамжамиятлар иқлим ўзгаришининг ва табиий оғатларнинг асоратларини биринчилардан бўлиб хис қиладилар. Уларнинг табиат ҳамда иқлим билан боғлиқ билим ва урф-одатлари (жумладан уларнинг экология ҳақидаги тушунчалари, биотурфаҳиллик ва атроф-муҳитни муҳофаза қилиш бўйича кўнникмалари ва коидалари, табиий ресурсларни бошқариш тизимлари, табиий оғатлар ва об-ҳаво шароитларини олдиндан айтиб бериш тизимлари) ўзларининг табиий муҳитларида хавф ва таҳдидларни бартараф этишга мўлжалланган стратегияларнинг ўзига хос ҳазинаси ҳисобланади. Доимий равища ишлаб чиқилган ва ўзгарувчан шароитларга мослаштириб борилган бундай стратегиялар маҳаллий ҳамжамиятларга табиий оғатлар билан боғлиқ хавфни камайтиришга имконият яратади, зарур бўлганда эса қайта тикиланишга ва иқлимдаги ўзгаришларга мослашишга ёрдам беради.

Барчани қамраб олувчи иқтисодий ривожланиш

Баркарор ривожланиш ишлаб чиқаришнинг ва истемол қилишнинг баркарор моделига асосланган турғун, адолатли ва барчани қамраб олувчи иқтисодий ривожланиш билан боғлик. Барчани қамраб олувчи иқтисодий ривожланиш нафакат ёрдамга муҳтоҷ шахсларга, балки яшаш учун етарли маблағи бўлмаган ахоли қатламларига, шунингдек, иқтисодий фаолиятда тўлақонли иштирок эта олиш имкониятига эга бўлмаган шахсларга қаратилган. Бундай иқтисодий ривожланиш самарали ва муносиб бандликни таъминлашни, қашшоқлик ва тенгсизлик даражасини қисқартиришни, ресурслардан самарали фойдаланадиган иқтисодий ривожланишни ҳамда ижтимоий таъминотни талаб қиласди. Бу каби ўзгаришларни амалга оширишда номоддий маданий мерос муҳим восита бўлиб хизмат қиласди. У турли хил ишлаб чиқариш фаолиятларини қамраб олувчи иқтисодий ривожланишнинг харакатлантирувчи куч хисобланади ва маҳаллий иқтисодиётни мустаҳкамлашга кўмак беради. Ўзгаришлар ортидан у муҳим инновациялар манбаига айланиши мумкин ҳамда маҳаллий ва ҳалқаро миқёсда барчани қамраб олувчи иқтисодий ривожланишга эришишда кўмаклашиши мумкин.

Номоддий маданий мерос гурухлар ва ҳамжамиятларнинг хаёт фаолиятини қўллаб-куvvatlovchi муҳим восита ҳисобланади. Авлоддан-авлодга сақланиб келаётган ва ривожланиб бораётган маҳаллий билим, кўнким ва анъаналар кўп инсонларнинг тирикчилиги учун керакли маблағ топишга имконият яратади. Масалан, Эстониядаги оиласидай фермер хўжаликлари кўй бокиб, уларнинг жунларига маҳаллий анъаналарга асосан ва табиатга ҳамоҳанг тарзда ишлов берадилар. Бундай хаёт тарзи уларга тирикчилиги учун зарур бўлган маблағни топишга имконият яратади ҳамда уларда ўзига хослик хиссини шакллантиради. Улар тўкувчилар учун ип йигиради, жун маҳсулотлари ва буюмларини тайёрлайди, шунингдек кўй ёғидан совун ва шамлар ишлаб чиқаради. Бу каби тирикчилик манбалари билан таъминлаб берувчи анъаналар фаровонликка эришишда ҳал қилувчи аҳамиятга эга ва улар маҳаллий миқёсда камбағалларни олдини олишда муҳим восита бўлиши мумкин.

Номоддий маданий мерос кўпчилик инсонларни, шу жумладан ахолининг камбағал



© 2008 by Batik Museum Institute Pekalongan / GauraMancacalladipura



© 2008 by Batik Museum Institute Pekalongan / GauraMancacalladipura

ва заиф қатламларини муносиб меҳнат шароитлари билан таъминлаши ва уларга даромад қелтириши мумкин. Мисол учун, анъанавий ҳунармандчиллик кўпинча иқтисодий тизимдан ташқарида бўлган гурухлар, ҳамжамиятлар ва алоҳида шахслар учун молиявий даромад олишнинг асосий манбаи ҳисобланади. Ҳунармандчиллик нафакат ҳунармандларнинг ўзлари ёки оиласидар учун, балки ҳунармандчиллик маҳсулотларини ишлаб чиқаришда керакли хом-ашёни етказиб бериш ва сотиш билан шугулланувчи инсонлар учун ҳам даромад қелтиради. Бу каби фаолият турлари муносиб иш шароитлари билан таъминлайди: оила ва ҳамжамият доирасида олиб борилганлиги учун улар хавфсиз иш шароитларини яратади

*Авлоддан-авлодга сақланиб
келаётган ва ривожслиниб
бораётган маҳаллий билим,
кўникма ва анъаналар кўп
инсонларнинг тирикчилиги
учун керакли маблаг топшиига
имконият яратади. Номоддий
маданий мерос кўччилик
инсонларни, шу жумладан
аҳолининг камбагал ва заиф
қатламларини муносиб меҳнат
шароитлари билан таъминлаши
ва уларга даромад келтириши
мумкин.*

ва мансублик хиссини шакллантиради; бу каби фаолият турлари жамиятнинг ўзлигини акс этганилиги сабабли, меҳнатнинг фахрли тури сифатида эътироф этилади.

Санъатнинг ижрочилик турлари, байрам тадбирлари ваnomodдий маданий мероснинг бошқа кўринишлари ҳам ҳамжамият аъзоларини (айниқса ёшлар ва аёлларни) иқтисодий ривожланиш жараёнига жалб қиласди.

Тирик мерос сифатида nomodдий маданий мерос ривожланишга йўналтирилган инновацияларнинг асосий манбаига айланниши мумкин. Ҳамжамиятлар ва гурухлар содир бўлаётган ўзгаришлар кетидан доимо янгиликлар киритиб боради. Номоддий маданий мерос ўзига хос стратегик манба бўлиб, у миллий ва глобал миқёсида ҳақиқий ўзгаришларга асосланган тарақкиётга эришишга имконият яратади. Масалан, янги турдаги материаллар (баъзи хом-ашёлар етарли бўлмаган тақдирда ёки умуман мавжуд бўлмаганда) ёски эҳтиёжларни қондириш учун мослаштирилиши мумкин. Ҳудди шу сингари ёски билим ва кўникмалар замонавий муаммоларига ечим топишида кўлланилиши мумкин. Мисол учун даврлар оша синалган маданий билимларни етказиш тизими янги замонавий аҳборот ва алоқа технологияларига мослаштирилиши мумкин.

Номоддий маданий мерос билан боғлиқ сайёхлик фаолиятлари ҳам ҳамжамиятлар учун фойда келтириши мумкин. Бой анъаналарни, байрам тадбирларини, ижрочилик санъати турларини,



© 2008 by Batik Museum Institute, Pekalongan / Gaura MancacaAlladipta

хунармандчилик билан боғлиқ кўникмаларни ҳамда nomodдий маданий мероснинг бошқа соҳаларини қашф қилиш имконияти сайёхларни миллий, минтақавий ва ҳалқаро миқёса жалб қилиш учун яхши сабаб бўлиши мумкин. Сайёхлик фаолияти одоб-аҳлоқ қоидалари доирасида бўлса, меросга ва уни сақловчиларига маъсулиятли ёндашса, у даромад келтириши, янги иш ўринларини яратилишини рағбатлантириши ҳамда ҳамжамиятда фуур ҳиссини шакллантириши мумкин. Аслини олганда, сайёхлик фаолияти меросга хурматсизлик билан қараса, у меросни хавф остига қўйиши мумкин. Мисол учун, фаолиятнинг ҳаддан ташкари тижкоратлашуви бутун ҳамжамият учун мероснинг асл мақсадини ўзгартириб юбориши мумкин. Шунинг учун, сайёхлик билан боғлиқ фаолиятни олиб бораётганда (ҳоҳ давлат бўлсин, ҳоҳ жамоат ёки хусусий ташкилот бўлсин) nomodдий маданий меросни муҳофазасига, мерос соҳибларига, уларнинг ҳуқуқларига, истакларига ва интилишларига хурмат кўрсатиш жуда ҳам муҳим. Мерос соҳиблари уларнинг мероси билан боғлиқ ҳар қандай сайёхлик фаолиятида асосий манфаатдор томон бўлишлари лозим. Бундан ташкари улар меросларини бошқарувида етакчи ўрин эгаллашлари керак. Одоб-аҳлоқ тамойилларга асосланган ва nomodдий маданий мероснинг ўзига хослигини эътиборга оладиган сайёхлик, меросни ҳар қандай салбий таъсиirlардан асрashi ҳамда сайёхлар ва сайёхлик билан шуғулланувчи инсонларнинг ҳатти-харакатини назорат қилиши лозим.

Тинчлик ва хавфсизлик

Тинчлик ва хавфсизлик, хусусан мажаролардан, камситишдан ва зўравонликнинг барча турларидан ҳоли бўлиш барқарор ривожланишнинг дастлабки шартлари хисобланади. Ушбу талабларни бажариш инсон хукуқларига хурмат билан қарашни, самарали адлия тизимларини, очиқ сиёсий жараённи, мажароларни олдини олиш ва ҳал қилиш бўйича тегишли тизимларнинг мавжуд бўлишини талаб қилади. Шунингдек, тинчлик ва хавфсизлик маҳаллий ахолининг табиий ресурслардан адолатлий фойдаланишини таъминлаш ҳамда унга хеч кандай чеклов ёки камситишсиз ердан фойдаланиш ва эгалик килиш хукуқини бериш билан боғлик.

Номоддий маданий мероснинг тури кўринишлари ва шакллари ўзида тинчлик гояларини мужассам этади ҳамда мулокот ва ҳамжихатлиликка кўмаклашади. Меросни муҳофаза қилиш бўйича чора-тадбирларнинг ўзи ҳам тинчлик ўрнатишга хисса кўшиши мумкин. Шундай экан, номоддий маданий мерос ва меросни муҳофаза қилиш соҳасидаги бундай чора-тадбирлар давлатларга, ҳамжамиятларга ва барча ривожланиш жараёни иштирокчиларига маданиятларининг ўзига хос хусусиятларини эътиборга олган ҳолда ўз йўлларидан бориш

имконини беради ва кенгқамровли иштирокка эришишга, тинч-тотув яшашга, низоларни олдини олишга ва ҳал қилишга ёхуд барқарор хавфсизликни таъминлашга ва тинчликни ўрнатишга имконият яратади.

Номоддий маданий меросга оид кўпчилик урф-одатлар негизида тинчликни мустахкамлаш гоялари ётади. 1236 йилда Сундиата Кейт томонидан таъсис этилган Манден хартияси (Мали империясининг конституцияси) бунга яқол мисол бўла олади. У инсон хукуқларига оид дунёдаги биринчи хартиялардан бири бўлиб, этник ва маданий турфахиллик шароитида ҳамжихатлик ва тинчлик, инсон ҳаётининг даҳлизлиги, кулликка олиш мақсадида босқинчилкларга чек қўйиш, ўз фикрини эркин ифода этиш ҳамда эркин тадбиркорлик фаoliyatiini юритиш каби кадриятларни ўзида мужассам этади.

Хартияда айтиб ўтилган сўзлар, шунингдек у билан боғлик (огзаки тарзда авлоддан-авлодга бериб борилаётган) маросимлар Малинке ҳалқи томонидан ҳозирги кунгача қадрланиб келмоқда. Бу хартияни таъсис этган тарихий учрашувга багишланган хотира маросимлари ҳар йили Малидаги Кангаба кишлогида нишонланади. Бу маросимлар маҳаллий ва миллий хукумат томонидан, жумладан қабила бошкарув



органлари томонидан ташкиллаштирилади. Хартия хуқұқ манбай шунингдек мухаббат, тинчлик ва биродарлик ришталарини тараппум этувчи ўзига хос нома сифатида ҳам күрилади. Умуман олганда, бутун дунё бўйлаб номоддий маданий мероснинг турли хил кўринишлари тинчлик қадриятларини мустаҳкамлаш ва муҳофаза қилишга ҳизмат киласди.

Номоддий маданий мерос низоларни олдини олишга ёки ҳал қилишга ёрдам бериши мумкин. Мулокот олиб бориш, низоларни ҳал қилиш ва муросага келишининг маҳаллий анъаналари дунё жамиятларида муҳим ўрин эгаллайди. Аниқ ижтимоий ва экологик масалаларга жавоб бериш, умумий макондан фойдаланиш, табиий ресурсларни бошқарилишини тартибга солиш ҳамда инсонлар тинч-тотув яшашлари учун яратилган ва асрлар давомида шаклланган бундай тизимлар ўзларининг ҳусусиятига қўра норасмий ёки пухта ўйлаб чиқилган бўлиши мумкин. Масалан, Испаниянинг ёғингарчилиги кам бўладиган Мурсия ва Валенсия минтақаларида, фермерлар ўртасида сув ресурсларини тақсимланиши ва ирригация тизимларини бошқарилишига оид масалалар юзасида келишмовчиликлари бўлса, улар коммунал судларга мурожаат киладилар. Мурсия оқсоқоллари кенгашининг ҳамда Валенсия сув ишлари бўйича судининг аъзолари ҳар пайшанба куни ўз хукмларини эълон қилиш учун йигиладилар. Бу эълон қилинган хукмлар

адолатли ва оқилона деб тан олинади ва бошқа фуқаролик судидаги хукмлар каби юридик қучга эга. Суд аъзолари фермерлардан иборат булиб, улар демократик тарзда еки куръя ташлаш орқали тайинланади. Улар икки тарафлама даъволарни кўриб чиқишида ўзларининг дехқончилик, ирригация ва маҳаллий анъаналар туғрисидаги билимларига таянади. Умуман олганда бу каби номоддий маданий мерос анъаналарининг сақланиб қолиши ҳамжамиятда тинчлик ва ҳавфисизликни таъминлашда муҳим аҳамият касб этади, чунки улар барча тарафларни жалб қилган ҳолда низоларни олдини олишда ва ҳал қилишда ёрдам беради.

Номоддий маданий мерос тинчлик ва ҳавфисизликни тикилашга ёрдам бериши мумкин. Масалан, тинчлик ўрнатиш ва ярашишга бағишиланган маросимлар негизида ўзига хос ижтимоий таъсири ётади ва у икки томон ўргасида (хоҳ алоҳида шахслар булсин, хоҳ оиласида ёки ҳамжамиятлар) тинчликни тикилашга ёрдам беради. Тинчлик ўрнатишга бағишиланган маросимлар зўравонликни кўлламаслик истагини билдириш учун ёхуд муносабатларни ижобий томонга ўзгартириш мақсадида рамзий тарзда кўлланилиши мумкин. Бундай маросимлар инсонларининг бир бири билан яқинлашувига ёрдам беради ва мавжуд келишмовчиликларга, рақобат кайфиятига, нафрат ва зўравонликка барҳам бериш имкониятини яратади.



Мулокот олиб бориш, низоларни ҳал қилиши ва муросага келишининг маҳаллий анъаналари дунё жамиятларида муҳим ўрин эгаллайди. Улар аниқ ижтимоий ва экологик масалаларга жавоб берши, умумий макондан фойдаланиши, табиий ресурсларни бошқарилишини тартибга солиш ҳамда инсонлар тинч-тотув яшашлари учун яратилган ва асрлар давомида шаклланган.

Номоддий маданий меросни муҳофаза қилиш орқали мутаҳкам тинчлик ва ҳавфиззликни ўрнатиши мумкин. Агар номоддий маданий мерос муҳофазасига оид чора-тадбирлар кенг қамровли бўлса, у ҳолда улар ҳамжамиятларни, гурухларни ва алоҳида шахсларни (жумладан маҳаллий халқларни, мигрантларни, иммигрантларни, кочоқларни, тури жинс ва ёшдаги инсонларни, имкониятлари чекланган инсонларни, шунингдек аҳолининг маргинал гурухларини) бирлаштиришга қодир самарали воситага айланиши мумкин.

Демократик бошқарувга кўмаги туфайли ҳамда инсон хукуқларига нисбатан хурматли муносабатда бўлғанлиги сабаб номоддий маданий мерос муҳофазасига оид чора-тадбирлар тинчлик ва ҳавфиззлик омилларининг юзага келишида ёрдам беради, булар қаторига чукур илдиз отган умумий қадриятлар

алмашинуви; колектив ўзлик ҳамда шахсий қадр-киммат ҳиссининг мустаҳкамланиши; ижодий ва иқтисодий ривожланиш учун янги имкониятларнинг яратилиши киради. Можаролардан сўнг меросни муҳофаза қилиш бўйича амалга ошириладиган чора-тадбирлар ҳам икки томонни бир бири билан яқинлаштиришга ёрдам беради. Бунга мисол умумий тарихий хотирани тиклаш лойихаси бўлиши мумкин. Бундан ташқари, агар бундай чора-тадбирлар тирик мерос доирасида амалга оширилса, у ҳолда маданиятларро мулоқот юзага келиши ва маданий турфаҳилликка нисбатан хурмат ҳисси шаклланиши мумкин ва бу натижада томонларнинг ярашишига олиб келиши мумкин. Шу сабабли ҳам, бундай муҳофаза чора-тадбирлари жамиятда ҳавфиззликни ва тинчликни тиклашда самарали ҳисобланади.

Йиллар давомида тўпланган билим ва анъаналар табиии ресурслардан барқарор фойдаланиши ва иқтим ўзгаришини оқибатларини камайтириши учун қўлланилган. Шундай экан, номоддий маданий мерос биотурфаҳилликни ҳимоя қилишида ва атроф-муҳитни барқарорлигини сақлаша ёрдам берииши мумкин.



© Tribuna de las Aguas de la Vega de Valencia



© Tribuna de las Aguas de la Vega de Valencia







**Номоддий
маданий
мерос**



United Nations
Educational, Scientific and
Cultural Organization

ichcap

International Information and Networking Centre
for Intangible Cultural Heritage in the Asia-Pacific Region
under the auspices of UNESCO



United Nations
Educational, Scientific and
Cultural Organization



National Commission of Uzbekistan
for UNESCO

The designations employed and the presentation of material throughout this publication do not imply the expression of any opinion whatsoever on the part of UNESCO concerning the legal status of any country, territory, city or area or of its authorities, or the delimitation of its frontiers or boundaries.

The authors are responsible for the choice and the presentation of the facts contained in this book and for the opinions expressed therein, which are not necessarily those of UNESCO and do not commit the Organization.

The present translation has been prepared under the responsibility of the International Information and Networking Centre for Intangible Cultural Heritage in the Asia-Pacific Region under the auspices of UNESCO (ICHCAP) and National Commission of Uzbekistan for UNESCO.